



ORANGE COUNTY

PLAN DAKSYON

REZIME EGZEKITIF



COMMUNITY
DEVELOPMENT
BLOCK GRANT

DISASTER
RECOVERY



1. Rezime Egzekitif

1.1. Apèsi

Depatman Lojman ak Devlopman Iben Etazini (HUD) te anonse ke Komin Oranj, FL ap resevwa \$ 219,712,000 pou sipòte efò retablisman alontèm apre Siklòn lan (Dezas FEMA No. 4673) atravè Divizyon Lojman ak Devlopman Kominotè Komin Oranj. Fon Sibvansyon Global pou Devlopman Kominotè - Retablisman aprè Dezas la (CDBG- DR) fèt pou adrese bezwen non-satisfè ki rete apre yo fin itilize tout lòt asistans. Plan sa a ap detaye kijan lajan yo pral atribye pou adrese rès bezwen non-satisfè yo nan Komin Oranj, FL.

Pou reponn a bezwen retablisman dezas yo, lwa ki rann fon CDBG-DR disponib yo te enpoze kondisyon siplemantè epi otorize HUD pou modifiye règleman ki aplikab nan pwogram anyèl CDBG a pou amelyore fleksibilite e pèmèt yon retablisman pi rapid. HUD te repati \$219,712,000 nan fon CDBG-DR pou Komin Oranj, FL an repons a Siklòn lan (Dezas FEMA No. 4673), atravè piblikasyon Avi Rejis Federal la (5/18/2023, No. dosye FR–6393–N–01)


<https://www.hud.gov/sites/dfiles/CPD/documents/FR-6393-N-01-AAN.pdf>).

Repatisyon sa a te disponib atravè Lwa sou Apwopriyasyon Siplemantè pou Sekou Dezas 2023 (Lwa Piblik 117-328).


1.2. Apèsi Espesifik sou Dezas la

Siklòn lan se te yon gwo siklòn Kategori 4 ki te ateri nan Florid nan dat 28 septanm 2022, epi tout eta a te santi efè li yo. Byenke Komin Oranj pat frape dirèkman nan siklòn nan, efè li yo te siyifikatif, sa ki lakòz dega toupatou nan enfrastrikti, kay, ak ekonomi lokal la. Gen kèk wout ki te vin enposib akòz nivo dlo ki te wo ak debri, ki te anpeche transpò ak aksè a sèvis esansyèl yo. Komin nan te fè fas a defi imedyat nan repons ijans ak retablisman alontèm, ki pouse yon efò komen pou rebati ak elaji enfrastrikti, sipòte kominote ki afekte yo, ak fòtifye komin nan kont dezas ki va rive nan lavni.

Nan Komin Oranj, siklòn nan te vini avèk anviwon 16 pous lapli, ki te vin fè gen gwo inondasyon, wout te fèmen, ak plis pase \$300 milyon dola gwo dega. Tanpèt lan te monte ant 8 a 10 pye, ki te agrave inondasyon an pandan plizyè jou apre siklòn nan te fin pase. Enpak la te gaye toupatou, ki te lakòz pye bwa tonbe, pàn kouran, domaj nan pwopriyete, ak debri. Enfrastrikti kritik, sistèm kominikasyon, ak biznis yo te afekte, ki te kite plizyè kominote san elektrisite ak san dlo pou yon bon bout tan apre evènman siklòn lan.




Tablo 1. Meyè Pozisyon Wout Siklòn Ian, 23-30 septanm 2022
 Sous: Sant Nasyonal Siklòn, Rapò Siklòn Twopikal pou Siklòn Ian (AL092022),
https://www.nhc.noaa.gov/data/tcr/AL092022_Ian.pdf.



Tablo 2. Istwa Van ak Wout Siklòn Ian
 Sous: Sant Nasyonal pou Enfòmasyon Anviwònmanal, <https://www.ncei.noaa.gov>.

Inondasyon sanzatann te frape kèk kote nan Komin Oranj, ki te fè ravaj nan plizye seksyon gwo wout yo epi ki te lakòz gwo deranjman enkli inondasyon tou pre sant atraksyon touristik yo tankou Universal Studios. Lapolis ak ekip repons ijans yo te antreprann operasyon sekou, kote sekouris yo te sou bato ayeryen nan katye ki ite inonde yo.

Gwo inondasyon an te anvayi zòn mètro Orlando a, avèk Lake Eola te anvayi epi ranp Entè-etatik toutolon I-4 a te tounen rivyè. Ayewopò Entènasyonal Orlando a te rete fèmen akòz wout yo te inonde.



Tablo 3. Pousantaj Lapli Nòmal ki te Obsève soti nan dat 27 septanm pou rive 26 oktòb 2022

Sous: Sant Klima Rejyonal NOAA ke Sant pou Klima Florid nan Inivèsite Eta Florid la te adopte apati de Rapò sou Siklòn lan,

https://climatecenter.fsu.edu/images/docs/Hurricane_Ian_Report.pdf

Enpak Rezidansyèl ak Komèsyal: Inondasyon an te fè yon enpak pwofon sou katye rezidansyèl nan Komin Oranj yo. Kay ki nan zòn ki ba yo oswa moun ki abite tou pre ma dlo yo te gen dlo ki antre lakay yo, ki te lakòz domaj estriktirèl, ak anpil nan kay sa yo pat ka abitab. Rezidan yo te deplase, yo te chèche refij nan yonabri ijans oswa kay zanmi ak fanmi.



Tablo 4. Enpak Siklòn Ian fè sou Katye Rezidansyèl yo
Sous: Gouvènman Komin Oranj, oktòb 2022


Te gen rapò ki te bay kote dlo inonsasyon an te domaje byen pèsònèl, mèb, ak enfrastrikti esansyèl nan kay yo. Gen pati nan sistèm dlo tanpèt Komin Oranj yo ki pat kapab soutni debòdman dlo a, ki te lage anpli kantite dlo a tè a ki te deja plen dlo ak lapli ki sot pase a. Rezidan yo te santi yo izole nan kay yo ak elwanye akòz dlo inondasyon yo. Gen kèk moun ki te oblije itilize ti kannot pou vwayaje antre soti lakay yo.



Tablo 5. Enpak Siklòn Ian – Bato sovtaj pou rezidan yo
Sous: Gouvènman Komin Oranj, oktòb 2022

Ofisyèl Florid yo te avèti rezidan yo pou rete lwen dlo ki sou wout yo akòz potansyalite kontaminasyon fekal (Spectrum News). Vil Orlando te mande rezidan yo ak biznis yo pou evite floche twalèt, fè lesiv, lave asyèt, ak pran douch otank posib. An menm tan, travayè yo tap fè reparasyon ijans nan sistèm tou egou vil la apre yo te fin fè mwayen pou debloke tou egou ozaviwon lak ak lari yo (ClickOrlando.com).

Te gen pann kouran nan tout Komin Oranj.



TABLO 6. Kat Geyografik pou Pann Kouran nan dat 29 septanm 2022 (agoch) ak 30 septanm 2022 (adwat)

Sous: PowerOutage.us; adopte nan Sant Nasyonal Siklòn, Rapò Siklòn Twopikal pou Siklòn Ian (AL092022), https://www.nhc.noaa.gov/data/tcr/AL092022_Ian.pdf.

Etablisman komèsyal yo ak òganizasyon lokal a-bi-non likratif yo te afekte, ki te deranje ekonomi an (domaje envantè, ekipman ak enfrastrikti) epi biznis yo te fèmen tanporèman.

Enpak Alontèm: Konsekans inondasyon Siklòn Ian nan Komin Oranj ap gen enplikasyon alontèm. Pwosis retablisman an pral enplike anpil efò pou reyabilite pwopriyete ki te domaje yo, retabli ak amelyore enfrastrikti, epi sipòte moun ak biznis ki afekte yo. Efò pou diminye risk inondasyon nan lavni ak ranfòse rezilyans nan Komin Oranj pral nesesisite

egalman yon planifikasyon global, amelyorasyon enfracstrikti, ak angajman kominotè pou diminye kalite enpak dezast sa yo nan alavni.

Dega inondasyon an koze nan Komin Oranj aprè Siklòn Ian mete aksan ijans pou fè efò pou repons kowòdone, atribisyon resous, ak planifikasyon alontèm pou fasilite yon retablisman solid ak bati yon kominote ki pi rezilyan kont katastwòf natirèl nan lavni. Nou dwe mete anfas sou enplimantasyon mezi pou bati rezilyans pou diminye risk nan lavni, enkli yon sistèm drenaj amelyore, enfracstrikti ki rezistan kont inondasyon, ak inisyativ preparasyon katastwòfik kominotè.

An jeneral, enpak Siklòn Ian te lakòz dega katastwòfik ki evalye a \$112,9 milya dola nan tout Florid la, epi yo te rapòte gen 156 moun ki te pèdi lavi nan tout Eta la. Li te lakòz gwo pèt nan agrikilti, gwp dega nan enfracstrikti, ak inondasyon devastatè nan anpil komin. Konsekans tanpèt la te lakoz anpil moun te evakye toupatou, operasyon sekou, ak efò retablisman kontinyèl nan tout rejyon ki te afekte yo.

1.3. Rezime

Komin Oranj te antreprann yon analiz konplè sou bezwen nan lojman, enfracstrikti, sèvis piblik, ak bezwen devlopman ekonomik ki rete non-satisfè akòz enpak Siklòn Ian fè sou komin nan. Pi presizeman, anplwaye komin nan te itilize done Ajans Jesyon Ijans Federal la (FEMA) ak Administrasyon pou Ti Biznis yo (SBA) ki gen rapò ak reklamasyon pou èd piblik ak endividyèl, ansanm ak reklamasyon pou asirans, pou detèmine bezwen debaz non-satisfè ki gen rapò ak domaj nan lojman ak enfracstrikti. Done FEMA ak SBA yo te siplemante avèk enfòmasyon nou te resevwa nan men Depatman ak Divizyon konte yo, jiridiksyon lokal yo, otorite lojman piblik yo, patnè kominotè yo ak entèvenan yo, founisè sèvis sanzabri yo, ak rezidan komin yo. Nou te kolekte enfòmasyon sa yo atravè plizyè reyinyon gwoup konsantre, yon sondaj ke sitwayen yo te patisipe ladan, ak trèz (13) reyinyon kominotè ki te fèt nan divès kote nan tout Komin Oranj lan. Tablo 1 anba a rezime bezwen non-satisfè ki idantifye nan Komin Oranj.

Kategori	\$ Bezwen Non-Satisfè	% bezwen Non-Satisfè
Lojman	\$253,300,768	59.31%
Enfracstrikti ak Etablisman Piblik	\$160,700,743	37.63%
Revitalizasyon Ekonomik	\$13,047,152	3.06%
TOTAL	\$427,048,663	100%

Tablo 1. Rezime Bezwen Non-Satisfè ak Atribisyon Fon ki Pwopoze yo

Bezwen Lojman: Analiz done FEMA yo, espesyalman reklamasyon pou asistans endividyèl, endike ke aktyèlman \$253,300,768 li nesèsè pou repare dega ki fèt nan kay yo, prensipalman kay ke mèt yo abite nan yo ki te sibi domaj nan Siklòn Ian.

Pi presizeman, 9,911 kay te domaje, dapre reklamasyon FEMA yo. Majorite reklamasyon yo te rapòte nan kategori domaj minè-ba (4,409 – tout kalite kay), ki te swivi ak domaj majè-ba (2,864 – tout kalite kay), domaj majè-wo (901 – kay) ak domaj minè-wo (803 – tout kalite kay). Enpak ki soti nan inondasyon ke Pwogram Nasyonal Asirans Inondasyon (NFIP) kouvri, rapòte 680 reklamasyon, ak yon enpak total pou plis pase \$48,000,000. Mete tout sa yo avèk reklamasyon FEMA yo, reprezante yon sòm total pèt lojman nan Komin Oranj ki plis pase \$243M pou 10,591 kay, oswa yon total modifiye ki nan \$315.9M lè nou adisyone yon lòt 30% ki oblije rebati pou yo ka pi rezistan. Kantite kay yo enkli kay inifamilyal, kondò ak apatman, kay mobil, ak lòt kalite lojman. Yo te kalkile bezwen total lojman non-satisfè yo a \$253,300,768. Yo te soustrè lajan ki disponib pou retablisman, epi ajoute yon lòt 30% fon ki nesèsè pou sipòte karakteristik rezistans lojman, tankou rekonstri nan estanda ki pi wo pou minimize domaj kont evènman katastwòfik nan alavni yo.

Anplis de sa, otorite lojman piblik yo te rapòte gen 50 kay ki te domaje ki poko repare (20 kay –gen ti domaj, 30 kay – gen gwo domaj) ak yon kay ki te detwi (pa gen yon dola pou bezwen non-satisfè yo ki rapòte). Anplis de sa, sou 801 moun ki te patisipe nan sondaj sitwayen an, 36.48% te rapòte yo gen domaj nan kay yo, men se sèlman 1.89% ki te rapòte ke yo te aplike e ki resevwa tout èd yo te bezwen. Anplis de sa, 6.42% te rapòte yo te oblije deplase akòz siklòn nan, epi 5.53% te rapòte kay yo te toujou pa an sekirite. Pandan reyinyon kominotè avèk rezidan komin yo ansanm avèk entèvenan kominotè ki te patisipe nan konvèsasyon gwoup konsantre yo, yo te mete aksan sou bezwen pou pwogram reyabilitasyon lojman, bezwen lojman espesyal ak nouvo lojman abòdab.

Bezwen enfrastrikti: Analiz done FEMA sou reklamasyon asistans piblik, konbine avèk enfòmasyon ki gen rapò ak pwojè komin lan ki te soumèt kòm yon pati nan Pwogram Sibvansyon pou Diminye Risk (HMGP) ak divès bezwen reparasyon/ekspansyon kapasite enfrastrikti minisipalite lokal ki rapòte, te abouti a yon total \$160,700,743 pou divès pwojè enfrastrikti ak enstalasyon piblik. Chif sa a reprezante \$30,835,935 nan depans non federal nan pwojè èd piblik FEMA yo (ak 30% nan depans rezilyans ajoute), \$11,264,808 nan depans non-federal nan pwojè ki te soumèt pou fon HMGP, ak \$18,600,000 nan pwojè ki gen rapò ak Siklòn Ian ki te soumèt nan pwosesis konsiltasyon divès Depatman ak Divizyon komin lan ak jiridiksyon lokal yo. Majorite amelyorasyon ki nesèsè yo gen rapò ak dlo tanpèt, drenaj, ak amelyorasyon kapasite etablisman ki deja egziste yo.

Anplis de sa, moun ki te patisipe nan sondaj sitwayen yo te mete aksan sou inondasyon kontinyèl ak enkyetid lari/drenaj kòm bezwen prensipal kominote yo (nan 54.7%) akòz Siklòn Ian. Patisipan yo te deklare tou pi gwo priyorite depans yo se amelyorasyon enfrastrikti ak pwòjè diminyasyon yo, 31% e 23% rezidan yo bay nòt ki pi wo a de (2) kategori sa yo.

Bezwen Revitalizasyon Ekonomik: Daprè enfòmasyon sou prè lajan pou biznis ke SBA rapòte ki gen rapò ak Siklòn Ian, te gen 1,031 biznis ki voye aplikasyon ki soti nan Komin Oranj. Nan moun sa yo, 81 aplikan te apwouve pou yon prè lajan pou domaj oswa deranjman ekonomik, 74 aplikan te gen yon pèt pwopriyete verifiye ki nan \$7,789,194, ak yon lòt 950 aplikan ki te swa "an pwosesis", ki te deside pou pa koninye a aplikasyon an, oswa pwogram nan te ba yo refi pou prete lajan an. Pèt yo te konbine avèk pèt koni daprè done komèsyal SBA yo ki estime yon enpak ekonomik inisyal total sou byen imobilye komèsyal ak kontni antrepriz, nan \$15,831,167, oswa \$ 20,580,517 lè w konte 30% depans rezilyans siplemantè pou rebati estrikti ki domaje yo. Apre yo fin retire peman SBA bay biznis yo, gen yon total \$13,047,152 bezwen revitalizasyon ekonomik non-satisfè ki rete. Total sa a konte depans pou rezilyans.

Pandan pwosesis angajman kominotè a, nou te resevwa kèk kòmantè ki gen rapò ak devlopman ekonomik e retablisman. Nan moun ki te patisipe nan sondaj la, 3.85% nan yo te rapòte ke yo konnen bon kou biznis ki te fèmen ak/oswa ki demenaje akòz Siklòn Ian. Anplis de sa, 12% nan patisipan yo endike yon bezwen pou finans ak aktivite ki ankouraje kreyasyon travay, devlopman biznis ak retablisman ekonomik.

Nou dwe remake ke dènyèman Komin Oranj te enplimante inisyativ pou ede biznis yo avèk retablisman ekonomik. Pi presizeman, prèske 8,000 ti biznis nan Komin Oranj te resevwa yon total de \$80M nan sibvansyon pou ti biznis nan fon CARES la. Prèske 65% nan dola sa yo te al jwenn biznis ke se minorite ak fanm ki mèt yo. Anplis de sa, Komin nan te bay \$31.3M dola kòm èd a biznis yo nan fon ki disponib atravè Plan pou Sove Ameriken an. Komin Oranje te itilize lajan sa pou etabli pwogram RANFÒSE Ti Biznis yo pou bay sibvansyon a ti biznis lokal yo, biznis ki fèt lakay yo, ak travayè gigè yo. Lajan sa a ka itilize pou depans biznis, tankou salè, ipotèk, lwaye, sèvis piblik, pewòl, ak lòt depans. Yo pa gen pou ranbouse lajan sa a epi lajan an te distribye sou yon baz "premye-vini, premye-sèvi" pou aplikan ki kalifye yo. Finalman, Pwogram Banc Komin Oranj lan (Asistans pou Biznis ki nan Koridò Katye yo) bay ti biznis yo yon sibvansyon fasad pou ede yo revitalize zòn biznis yo pou amelyore yon seri koridò pou rann yo estetikman atreyan pou achtè yo ak pwopriyete biznis yo.

Lòt bezwen: Bezwen siplemantè ki te rapòte pandan pwosesis angajman ak sansibilizasyon kominotè a te gen rapò ak sèvis piblik (egzanp, konsèy sou lojman, fòmasyon pou travay ak plasman nan travay, sèvis mantal ak sante, elatriye), sèvis pou moun nan popilasyon an ki gen bezwen espesyal, enkli granmoun aje, moun ki gen andikap, ak endividyèl e fanmi ki sanzabri yo, ak bezwen ki gen rapò ak preparasyon anvan dezaz ak repons apre dezaz.

An jeneral, adrese bezwen sa yo, pral mande pou yon angajman soutni, kolaborasyon, ak atribisyon resous ki soti nan divès sektè, enkli kò gouvènmantal, òganizasyon kominotè, biznis, ak sitwayen ki konsène yo, pou fasilite retablisman global ak bati rezilyans Komin Oranj lan apre siklòn lan.

1.4. Bezwen Non-Satisfè ak Atribisyon Pwopoz

Anvan obligasyon fon CDBG-DR yo, Komin Oranj oblije soumèt yon plan ki detaye sou itilizasyon lajan yo bay Depatman Lojman ak Devlopman Iben Etazini (HUD). Plan an dwe enkli kritè kalifikasyon yo, epi deklare kijan itilizasyon lajan sa yo pral adrese retablisman alontèm ak restorasyon enfrastrikti ak lojman, revitalizasyon ekonomik, ak diminisyon nan zòn ki pi afekte yo ak zòn ki nan detrès yo. Nan ka Komin Oranj, tout komin nan an antye, enkli tout trèz minisipalite li yo, te idantifye kòm zòn ki pi afekte ak zòn ki nan detrès (MID). Divizyon Lojman ak Devlopman Kominotè Komin Oranj se ajans kap administre fon retablisman sa yo.

Anplis de sa, tout aktivite ke CDBG-DR finanse yo dwe satisfè kondisyon minimòm pwogram nan. Sa vle di, chak aktivite dwe:

- Yon aktivite ki elijib pou CDBG;
- Satisfè yon Objektif Nasyonal nan pwogram CDBG a; epi
- Adrese yon enpak dirèk oswa endirèk gwo dezaz la nan yon zòn kiprezidansyèlman deklare (Siklòn lan).

An konfòmite ak kondisyon sa yo, Komin Oranj te devlope Plan Daksyon CDBG-DR sa a pou retablisman katastwòfik pou dekri kòman fon yo pral administre. Pwogram ak aktivite ki endike nan Plan daksyon sa a jwenn sipòte nan rezilta evalyasyon bezwen non-satisfè yo ki enkli nan dokiman sa a, ansanm ak angajman ak sansibilizasyon kominotè, ak kolaborasyon entèvenan kominotè lokal yo ak rezidan komin yo. Resous sa yo te ede detèmine bezwen non-satisfè ki rete yo, jan HUD egzije l la.

Sou baz bezwen non-satisfè ki idantifye yo ak atribisyon fon CDBG-DR komin lan, bidjè sa a pwopoze nan Plan Daksyon an pou aplike estrateji ak aktivite ki adrese bezwen non-satisfè yo ak diminisyon pou asire retablisman alontèm Komin Oranj nan efè Siklòn lan.

<u>Kategori</u>	<u>Rès bezwen Non-Satisfè</u>	<u>% bezwen Non-Satisfè</u>	<u>Atribisyon Pwogram nan</u>	<u>% Fon pou Pwogram yo</u>
Lojman <i>(reyabilitasyon & nouvo konstriksyon kay)</i>	\$253,300,768	59.31%	\$ 108,746,160	49.5%
Enfrastrikti ak Etablisman Piblik	\$160,700,743	37.63%	\$ 59,322,240	27%
Diminisyon	\$0	Pa Aplikab	\$ 28,658,000	13%
Revitalizasyon Ekonomik	\$13,047,152	3.06%	\$0	0%
Sèvis Piblik <i>(enkli aktivite retablisman ekonomik)</i>	-	Pa Aplikab	\$ 7,000,000	(-3, 2)
Administrasyon	-	Pa Aplikab	\$ 10,985,600	5%
Planifikasyon <i>(etid)</i>	-	Pa Aplikab	\$ 5,000,000	2.3%
TOTAL	\$427,048,663	100%	\$ 219,712,000	100%

Table 2. Rès bezwen non-satisfè yo ak Atribisyon Fon Pwopoze yo

Atribisyon fon ki pwopoze nan Plan Daksyon sa a enki lojman, enfrastrikti, ak aktivite sèvis piblik, ansanm ak minimòm ki nesèsè ke yo mete apa pou aktivite diminisyon ak fon pou planifikasyon ak administrasyon.

Pwogram pwopoze yo ak metòd distribisyon yo enkli yon pwogram reyabilitasyon pou pwopriyetè kay nan tout komin nan, nouvo konstriksyon kay abòdab, espesyalman pou moun ki gen bezwen espesyal, pwogram amelyorasyon enfrastrikti nan tout Komin nan, ak rekonpans konpetitif pou pwojè jiridiksyon lokal yo, òganizasyon a-bi-non likratif yo ak patnè kominotè pou adrese plis bezwen non-satisfè ke posib, ak mete yon anfas sou sansibilizasyon ak asistans pou popilasyon ki pi vilnerab ak popilasyon ki pi difisil pou atenn yo ki te afekte nan Siklòn lan.

Objektif prensipal Plan Daksyon an se:

1. Prezève estòk kay ki egziste deja yo epi elaji pwopriyetè kay dirab e abòdab ak opòtinite lwaye pou rezidan Komin Oranj yo;
2. Bati kominote ki rezilyan nan ranfòse katye ki afekte nan dezast la atravè investisman nan enfrastrikti ak etablisman piblik yo;

3. Amelyore rezistans kominotè ak estabilite ekonomik nan ofri aksè elaji a sèvis piblik ki garanti estabilite nan lojman ak oto-sifizans rezidan Komin yo; epi
4. Ankouraje e garanti aksè san patipri nan lojman pou tout rezidan.